

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-3117/19
Sarajevo, 25.02.2019. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. Pravilnika o nabavci roba, vršenju usluga i ustupanju radova, br. 09-05-26236/15 od 27.11.2015. godine, u predmetu javne nabavke – Pružanje usluge prevoza za učenike Osnovne škole „Sokolje“ za drugo polugodište 2018/2019, u konkurentskom postupku, objavljenom na Portalu javnih nabavki, broj obavještenja 422-7-2-44-3-20/19 od 11.02.2019. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda «GLOBTOUR» d.o.o. Međugorje, u predmetu javne nabavke - Pružanje usluge prevoza za učenike Osnovne škole „Sokolje“ za drugo polugodište 2018/2019, dostavljene u konkurentskom postupku objavljenom na Portalu javnih nabavki, broj obavještenja 422-7-2-44-3-20/18 od 11.02.2019. godine, sa najnižom cijenom prihvatljive ponude u ukupnom iznosu od 18.499,98 KM sa PDV-om.

2. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.

3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

O b r a z l o ž e n j e

Postupak javne nabavke – Pružanje usluge prevoza za učenike Osnovne škole „Sokolje“ za drugo polugodište 2018/2019, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka objavljenog na Portalu javnih nabavki, broj obavještenja 422-7-2-44-3-120/19 od 11.02.2019. godine.

Zapisnikom sa otvaranja ponuda od 21.02.2019.godine konstatovano je da su pristigle dvije blagovremene ponude i to ponude ponuđača:

1. «CENTROTRANS-EUROLINES» d.d. Sarajevo sa ponudom u iznosu od 19.574,10 KM sa PDV-om.
2. «GLOBTOUR» d.o.o. Međugorje sa ponudom u iznosu od 18.499,98 KM sa uračunatim PDV-om.

Komisija je detaljnom analizom dokumentacije kojom su ponuđači dokazali svoje kvalifikacije za učešće u ovom postupku utvrdila da ponude ponuđača «CENTROTRANS-EUROLINES» d.d. Sarajevo i «GLOBTOUR» d.o.o. Međugorje ispunjavaju formalno-pravne uslove specificirane tenderskom dokumentacijom. Komisija je izvršila računsku kontrolu ponuda, te konstatovala da su iste računski ispravne.

Komisija je u skladu sa članom 64. stav 1. tačka b) Zakona o javnim nabavkama ("Službeni glasnik BIH" broj 39/14), odnosno primjenom kriterija «najniža cijena», utvrdila sukcesivni redoslijed prihvatljivih ponuda kako slijedi :

1. «GLOBTOUR» d.o.o. Međugorje sa ponudom u iznosu od 18.499,98 KM sa PDV – om,
2. «CENTROTRANS-EUROLINES» d.d. Sarajevo, sa ponudom u iznosu od 19.574,10 KM sa PDV– om.

Obzirom da se radi o konkurentskom postupku, objavljenom na Portalu javnih nabavki broj obavještenja broj 422-7-2-44-3-20/19 od 11.02.2019 godine, da su upućena tri pozivna pisma, da su pristigle dvije ponude koje ispunjavaju kvalifikacione uslove, te shodno članu 64. stav 1. tačka b) Zakona o javnim nabavkama, odlučeno je kao u dispozitivu Odluke.


Kako je ponuđač «GLOBTOUR» d.o.o. Međugorje uz ponudu dostavio dio tražene dokumentacije po članu 45. stav 2. Zakona o javnim nabavkama, a u vezi sa tačkom 2.1.3. od a) do d) tenderske dokumentacije, to se isti obavezuje da nedostajući dokument - Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti; dostavi unajkasnije 5 dana po prijemu Odluke o izboru.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik
mr Semir Efendić

Semir Efendić